

國家圖書館藏
常熟翁氏書札

李紅英 選編

一六

國家圖書館出版社

國家圖書館藏

常熟翁氏書札

李紅英
選編

一六

國家圖書館出版社

常熟翁氏家書（七）

（清）翁同書、翁同爵、翁同龢等撰

清稿本

第十六册目錄

常熟翁氏家書（七）

〇〇一

國家圖書館藏常熟翁氏書札

◎ 〇 〇 〇 一

第十六册目錄

姪同福頓首謹

叔父大人尊前去臘廿五日

函啟志

大人動履勝常精神倍

情良由北方高燦

於濕體為宜兼之直廬清照擺脫俗塵得以養

性讀書自覺形神俱適三復論辭如讀一則樂

志論也又

天恩高厚驟擢崇階榮遇非常曷勝忭賀去歲鄉闈本
不敢萌妄想聊盡人事又遭坦率之譏堂批云

明暢少沉至語細味

人事自有命

在何敢怨尤第忌五

才作手不乏其人而

通榜僅得兩副車未免一心氣

先人窻窻

之事姪初不敢緩本欲於榜後舉行而徐君石英

以為並無吉日今歲山向石英以為大利而曙塘則

云斷乎不可細詢其說云山向上有戊己都天犯之必

致大凶且須十二年然後脫運石英以為可以制伏

兩說相持殊難取決將如之何 慈親身體尚好

惟肝木愈旺脾土漸衰每食自腥必致破腹加以憂
貧之故日：愁煩侍奉之餘真愧不可為子至姪之近
况不言可知雖餬口有方而治無計典質既盡逋
累益多當此之時真可謂水窮山盡天道窮則必
變未知究竟何如弟恐索我於枯魚之肆耳陸
制府師登倪觀察雖均有推薦之言而至今尚無
消息想已成畫餅矣

叔父倘值休沐之閒再作一書懇其留意當有佳音但

不知內外字例可通。此日當立。之後風景
益殊爆竹聲稀。桃符色暗。但見餓夫載道而已。現
在米一石須六千文。柴一挑百。百外且不易得。而蔬
菜每觔亦須十文左右。其餘更無論矣。將來青黃不
接。又不知作何景狀。興言及此。令人輒喚奈何耳。草
具稟恭請

叔母兩大人福安并賀 陞禧不莊

母親命筆候安姪婦兒輩均侍筆請安

新正十四日

姪同福謹稟

叔父大人尊前去冬曾具稟函諒邀

慈鑒辰惟

起居迪吉邸廬均安為頌春初得讀

諭三弟書備悉都中景况所云財同涸輒改若亂絲
事雜言咙朝更暮易真是剴切之言際此孔亟之
秋利孔畢搜來源愈竭國計民生支左詘右雖有劉
晏恐亦不能為謀矣但今日之勢總由外重內輕向使

浮冒之習可更當於帑項不無裨益即如姪捐教一事
正款不多而雜費已至三十餘兩則安望指生之踴躍
乎捐釐設卡商賈視為畏途官吏居為壟斷則何
怪物價之昂貴乎然則今日利權正所謂上不在國下
不在民者也姪與祖庚不見十六年三月初旬拏舟往訪
連床夜雨藉馨潤燥甚相樂也惟是瓜步一隅顛當
牢守細詢彼中形狀真覺布窳周密無隙可乘
彼中有人信乎未可輕敵耳京廩用度浩繁不敷

出姪所稔知邇來稍有生色否聞

科母大人玉體甚健欣慰之至想拈針罷綫不減往時也六弟
婦舊恙時發想緣體質太弱之故所以美璋之信亦
復遲滯榮姪喜事定於何時當於幾月中南下玉甫弟
能暫乞假同回否翹望之至姪近况如恒殊乏佳趣三月二
日勉辦葬事復於鶴石之旁買一邱為姪生壙將來
輩亦有所託此則差堪自慰者但向平之累日迫一日
為之輒嘆奈何固知

外父垂念良殷然力不從心姪亦何忍啓齒且看今年世事
如何再謀卜吉耳家中人口平安可紓

垂注惟祥姪堵在門戶窘况益增頗難為力玉峯試事已竣
祁姪仍未獲雋其考作頗佳甚為扼腕也草具稟不
及靚縷即請

雙安不莊

姪同福百拜稟

閏五月初日

兎革侍筆請安

再稟者紱仰之樞久厝浮土似屬不安而寶巖左近亦
無以地出舊者惟頂山祖塋之旁前曾買一小地係為許氏而
設者今聞心井竟無歸鄉之志似可印以此地為紱仰水域而
以兩孩附焉其風水經丁曙堂錢蔭庭君過頻稱穩妥之地於祖
塋亦無干碍故已與祖康弟面商亦以為可但未敢擅專特此
聞祈即
裁奪示下以便遵照辦理又及

姪同福百拜謹稟

叔父大人尊前五月中曾肅寸稟由揚寄京諒邀
垂覽鹿卿姪回備志

大人起居康吉

宸眷優隆藉慰下情載欣載抃顧念當此經費浩
繁度支竭蹶上思有裨於

國計下期無害於民生責重憂深心殫力瘁雖未暇
頤神而養性或可以執簡而御繁無任情懸

昌勝額禱姪清况如恆毫無善狀齒脫六七髮
 白過半近又加以骨足酸痛有似痿痺兒輩勸
 服葭苓然力未遑也月之初八日為三兒親家姓名曰陶然以詩酒自娛訓蒙為業其子与者可望游庠雖稱詩札之家然志屬戶畢姻
 禮銀喜款僅四十千先一日將新人迎至次日
 始畧用鼓樂衣飾亦甚草：而酒席頗多
 總計已二百餘千矣東借西挪暫支過去
 所幸新婦素出貧家尚知勤儉以此聊用
 自慰然轉瞬來秋又將嫁女一絲未辦如何

際此窮途急宜為貧而仕今部雖已領得而考
驗尚待措貲聞考得一等可咨部即選然必
得有大力者札致撫軍為之道地乃可望此否
則二等其常也陸寄庵表弟官興勃然亦是
將無作有聞其售去田畝方克北行此直沉舟
破釜計將搽券取償然方今民俗蕭條官途
擁擠其果能如志否耶家鄉去歲旱蝗秋成
不過十分之四而漕糧取盈如故其被賑災尚

收一三三成不等熟畝則必滿六成銀價每兩直千
二百有奇而櫃收上下忙條銀則每兩須二千文並
不准搭交當十大錢民間何以堪此以此俗日益
偷皆褊衣甘食不為後計而今歲收成仍復歉
薄統計不及七分若照舊章或更加厲恐民
不聊生矣官視漕糧為利藪民視田產為禍
根一年三百六十日其不以追呼為事者歲
無幾日一縣數萬百千家其不被催科之擾